

Broj: 02 -1682-2 /24

Datum: 23.09.2024. godine

Na osnovu člana 20a. Zakona o izmjenama i dopunama Zakona o radu ("Službene novine Federacije Bosne i Hercegovine", broj: 89/18), člana 4. Uredbe o postupku prijema u radni odnos u javnom sektoru u Tuzlanskom kantonu ("Službene novine Tuzlanskog kantona", broj 4/19, 4/20, 11/20 i 5/21), člana 48. Statuta (prečišćeni tekst broj: 02-14-2/22 od 28.11.2022. godine), člana 78. Pravilnika o radu JZU Dom zdravlja Gračanica (broj: 01-5-2/24 od 29.04.2024. godine) i Odluke direktora broj: 02-1682-1/24 od 23.09.2024. godine, Javna zdravstvena ustanova (u daljem tekstu JZU) Dom zdravlja Gračanica, sa sjedištem u Gračanici, u ulici Mehmeda Ahmedbegovića br. 50, raspisuje i objavljuje

JAVNI OGLAS

za popunu upražnjenih radnih mjesta

I

Javna zdravstvena ustanova Dom zdravlja Gračanica, sa sjedištem u Gračanici u ulici Mehmeda Ahmedbegovića br. 50, vrši prijem radnika radi zasnivanja radnog odnosa na neodređeno vrijeme sa punim radnim vremenom. Prijem radnika se vrši na sljedeća radna mjesta:

1) Doktor porodične medicine za rad u Službi porodične medicine i zdravstvene njege u zajednici i vanbolničke palijativne njege - jedan izvršilac na neodređeno vrijeme sa punim radnim vremenom, uz probni rad od tri mjeseca.

2) Doktor porodične medicine / doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) - tri izvršioca na neodređeno vrijeme sa punim radnim vremenom, uz probni rad od tri mjeseca.

3) Medicinska sestra/tehničar za rad u Službi porodične medicine i zdravstvene njege u zajednici i vanbolničke palijativne njege - tri izvršioca na neodređeno vrijeme sa punim radnim vremenom, uz probni rad od 3 mjeseca;

4) Medicinska sestra/tehničar hitne medicinske pomoći – vozač sanitetskog vozila za rad u Službi hitne medicinske pomoći - jedan izvršilac na neodređeno vrijeme sa punim radnim vremenom, uz probni rad od 3 mjeseca.

5) Ginekološko-akušerska sestra za rad u Službi za zdravstvenu zaštitu žena - jedan izvršilac na neodređeno vrijeme sa punim radnim vremenom, uz probni rad od 3 mjeseca.

6) Spremačica za rad Službi za tehničke poslove i održavanje - jedan izvršilac, na neodređeno vrijeme, uz probni rad od 3 mjeseca.

II

Kandidati koji se prijavljuju na Oglas, obavezni su ispunjavati opšte uslove i posebne uslove Oglasa i to:

Opšti uslovi

- da su državljani BiH;
- da su stariji od 18 godina;

- da su zdravstveno sposobni za obavljanje poslova za koje se prijavljuju (ljekarsko uvjerenje naknadno prilaže izabrani kandidat).

Posebni / uslovi

Kandidati koji se prijavljuju na radno mjesto **1. Doktor porodične medicine za rad u Službi porodične medicine i zdravstvene njege u zajednici i vanbolničke palijativne njege** trebaju ispunjavati sljedeće posebne uslove:

- da imaju završen medicinski fakultet
- da imaju položen specijalistički ispit iz porodične medicine
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

ili

- da imaju završen medicinski fakultet
- da imaju položen specijalistički ispit iz opće medicine ili druge grane medicine sa posebnom edukacijom iz porodične medicine (PAT)
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

ili

- da imaju završen medicinski fakultet
- da imaju položen stručni ispit
- da imaju završenu posebnu edukaciju iz porodične medicine (PAT)
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

Kandidati koji se prijavljuju na radno mjesto pod rednim brojem **2. Doktor porodične medicine / doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom)** trebaju ispunjavati sljedeće posebne uslove:

- da imaju završen medicinski fakultet
- da imaju položen specijalistički ispit iz porodične, opće ili druge grane medicine
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

ili

- da imaju završen medicinski fakultet
- da imaju položen stručni ispit
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

Kandidati koji se prijavljuju na radno mjesto pod rednim brojem **3. - Medicinska sestra/tehničar za rad u Službi porodične medicine i zdravstvene njege u zajednici i vanbolničke palijativne njege,** trebaju ispunjavati sljedeće posebne uslove:

- SSS medicinskog smjera
- Položen stručni ispit
- Dodatna edukacija iz porodične medicine ili edukacija iz patronaže
- Važeće Odobrenje za obavljanje samostalnog rada (licenca) izdato od strane nadležne komore

ili

- SSS medicinskog smjera
- Položen stručni ispit
- Važeće Odobrenje za obavljanje samostalnog rada (licenca) izdato od strane nadležne komore

Kandidati koji se prijavljuju na radno mjesto pod rednim brojem **4. – Medicinska sestra/tehničar hitne medicinske pomoći – vozač sanitetskog vozila za rad u Službi hitne medicinske pomoći** trebaju ispunjavati sljedeće posebne uslove:

- SSS Srednja medicinska škola
- Položen stručni ispit
- Završena posebna edukacija iz oblasti hitne medicinske pomoći (završen ALS ili ILS kurs)
- Položen vozački ispit u skladu sa propisima iz oblasti sigurnosti i saobraćaja na cestama
- Važeće Odobrenje za obavljanje samostalnog rada (licenca) izdato od strane nadležne komore

Kandidati koji se prijavljuju na radno mjesto pod rednim brojem **5. Ginekološko-akušerska sestra za rad u Službi za zdravstvenu zaštitu žena** trebaju ispunjavati sljedeće posebne uslove:

- Srednja medicinska škola ginekološko-akušerskog smjera
- Položen stručni ispit
- Važeće Odobrenje za obavljanje samostalnog rada (licenca) izdato od strane nadležne komore

Kandidati koji se prijavljuju na radno mjesto pod rednim brojem **6. - Spremačica** trebaju ispunjavati sljedeće posebne uslove:

- Stručna sprema: minimalno osnovna škola

Ispunjenost opštih i posebnih uslova Javnog oglasa računa se danom predaje prijave na Javni oglas.

III

Kratak opis poslova radnog mjesta:

Doktor porodične medicine za rad u Službi porodične medicine i zdravstvene njege u zajednici i vanbolničke palijativne njege: identifikuje faktore koji mogu ugroziti zdravlje, vrši preglede kojim se utvrđuje postojanje ili nepostojanje tjelesnih, odnosno psihičkih bolesti, tjelesnih oštećenja ili anomalija te vrši procjenu takvih stanja pomoću medicinskih dijagnostičkih instrumenata, postupaka i sredstava; utvrđuje potrebu i upućuje na dijagnostička i funkcionalna ispitivanja; vrši liječenje i rehabilitaciju, propisuje lijekove i medicinska sredstva u skladu sa propisima o lijekovima i medicinskim sredstvima, pruža usluge liječenja i intervencije, evidentira i prijavljuje zarazne bolesti i hronične nezarazne bolesti, vrši incizije abscesa, panaricija ili karbunkula.

Doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) obavlja poslove navedene u opisu poslova doktora porodične medicine u Službi porodične medicine i zdravstvene njege u zajednici i vanbolničke palijativne njege a koji spadaju u djelatnost Službe zdravstvenu stanovništva preko 19 godina.

Medicinska sestra/tehničar za rad u Službi porodične medicine i zdravstvene njege u zajednici i vanbolničke palijativne njege vrši prijem i provjeru zdravstvenih legitimacija i identiteta pacijenta; evidentira potrebne podatke u medicinsku dokumentaciju; priprema pacijenta za pregled, priprema materijal, priprema instrumente i sredstva za obavljanje pregleda, asistira pri pregledu; pruža hitnu medicinsku pomoć u skladu sa svojim kompetencijama; vrši trijažu pacijenata za ljekarski pregled; primjenjuje, provodi i evidentira od doktora medicine ordinirane lokalne, peroralne i parenteralne terapije; vrši previjanje rana, inhaliranje, ispiranje uha i druge poslove iz domena medicinskog tehničara; preduzima mjere na zbrinjavanju bolesnika kod šoka i kolapsnih stanja; vrši sterilizaciju instrumenata, materijala i drugih sredstava za rad; obavlja i druge poslove u okviru svog zvanja i struke.

Medicinska sestra/tehničar-vozač sanitetskog vozila za rad u Službi hitne medicinske pomoći: vršiti prijem i provjeru zdravstvenih legitimacija i identiteta pacijenta; evidentirati potrebne podatke u medicinsku dokumentaciju; pripremati pacijenta za pregled, pripremati materijal, instrumente i sredstava za obavljanje pregleda; asistirati pri pregledu; pružati hitnu medicinsku pomoć u skladu sa svojim kompetencijama; vršiti trijažu pacijenata za ljekarski pregled, po potrebi vršiti mjerenje temperature, krvnog pritiska, težine pacijenta i druga mjerenja; primjenjivati, provoditi i evidentirati

od doktora medicine ordinirane lokalne, peroralne i parenteralne terapije; vršiti previjanje rana, ispiranje uha i druge poslove iz domena medicinskog tehničara; blagovremeno izvještavati voditelja tima ili ljekara u slučaju nastupanja komplikacija prilikom primjenjene terapije, kao i blagovremeno izvještavati doktora medicine o stanju pacijenta, posebno o promjeni njegovog zdravstvenog stanja; preduzimati mjere na zbrinjavanju bolesnika kod šoka i kolapsnih stanja; vršiti sterilizaciju instrumenata, materijala i drugih sredstava za rad; voditi medicinsku dokumentaciju u skladu sa posebnim propisima o evidencijama u oblasti zdravstva, vodi potrebnu evidenciju o dnevnom i mjesečnom broju usluga; vodi statističke evidencije i sačinjava statističke izvještaje; obavljati i druge poslove u okviru svog zvanja i struke a po nalogu odgovornog medicinskog tehničara i rukovodioca služe. Pored navedenih poslova radnik će obavljati i sljedeće poslove: upravljati sanitetskim ili drugim službenim vozilom Doma zdravlja na osnovu izdatog putnog naloga; vršiti sanitetski prijevoz pacijenata, i to hitan medicinski transport i medicinski transport koji nije hitan.

Ginekološko-akušerska sestra za rad u Službi za zdravstvenu zaštitu žena - vrši prijem i provjeru zdravstvenih legitimacija i identiteta pacijenta; evidentira potrebne podatke u medicinsku dokumentaciju; priprema instrumentarij, pribor, materijal i opremu za obavljanje pregleda; priprema pacijenticu za ginekološki pregled, priprema trudnice za pregled; asistira pri pregledu; asistira u toku kolposkopiranja; priprema preparate za citološki pregled; postupa prema utvrđenim pravilima i protokolima za provođenje zdravstvenih postupaka; vrši uzimanje vaginalnog brisa za laboratorijske analize, nalazi po Papanikolau, priprema sekreta; vrši trudničku obradu pacijentkinja, daje upute trudnicama o higijeni; priprema materijal i učestvuje u obavljanju kiretaže; po potrebi učestvuje u porođaju; obavlja kateterizaciju; previjanje i skidanje šavova; testira na trudnoću; daje propisanu terapiju (I.V., I.M. i S.C, infuzije); vrši odlaganje i pranje iskorištenih instrumenata, vrši sterilizaciju instrumenata, materijala i drugih sredstava za rad; stara se o ispravnosti aparata sa kojima se radi kao i o čistoći ordinacije i radnog prostora; ekonomično i efikasno koristi pribor i opremu, prati potrošnju materijala, vodi statističke evidencije i sačinjava statističke izvještaje; vodi medicinsku dokumentaciju u skladu sa posebnim propisima o evidencijama u oblasti zdravstva; upisuje podatke i popunjava uputnice, recepte, potvrde, nalaze, mišljenja a iste ovjerava službenim pečatom; zadužena je za čuvanje i upotrebu službenih pečata; vodi protokol pacijenata koji nemaju zdravstveni karton, otvara nove zdravstvene kartone; učestvuje u edukaciji stručnih kadrova, volontera, pripravnika; poštuje ljudsko dostojanstvo, integritet i prava pacijenata u skladu sa posebnim propisom o pravima, obavezama i odgovornostima pacijenata; čuva kao profesionalnu tajnu podatke koji se odnose na zdravstveno stanje pacijenta; obavlja i druge poslove u okviru svog zvanja i struke, za svoj rad odgovora nadređenom rukovodiocu.

Spremačica : obavlja poslove čišćenja u objektima Doma zdravlja kao što su zidovi, prozori, stropovi i radne površine u prostorijama u kojima se obavlja zdravstvena djelatnost i drugim radnim prostorijama, zatim hodnicima, čekaonicama te u sanitarnim čvorovima i laboratorijima, uređuje krug ispred objekta Doma zdravlja i ambulanti, pomažu pri utovaru i istovaru materijala i dopremi na službe, po potrebi obavlja poslove unošenja ogreva i loženja u ambulancama obavlja i druge poslove u okviru svoje stručne spreme i po naredbi rukovodioca.

IV

Za sva navedena radna mjesta radni odnos se zasniva na neodređeno vrijeme sa punim radnim vremenom, uz probni rad od tri mjeseca.

V

Dokazi o ispunjavanju općih i posebnih uslova:

Prilikom prijave na Javni oglas, kandidati su obavezni uredno popuniti i svojeručno potpisati **Prijavni obrazac** (koji se može preuzeti sa web stranice www.dzgracanica.com ili u prostorijama uprave JZU Dom zdravlja Gračanica) i už isti dostaviti sljedeću dokumenaciju kojom dokazuju *ispunjavanje općih i posebnih uslova:*

- a) **Izvod iz matične knjige rođenih ;**
- b) **Uvjerenje o državljanstvu (ne starije od 6 mjeseci);**
- c) **CIPS-ova prijava o prebivalištu - PBA 3 obrazac (ne starije od 6 mjeseci);**
- d) **Dokaz o stečenoj stručnoj spremi - diploma;**

- e) Uvjerenje o položenom stručnom ispitu (za radna mjesta pod rednim brojem 1., 2., 3., 4. i 5.)
- f) Uvjerenje o položenom specijalističkom ispitu (za radna mjesta pod rednim brojem 1. i 2.) - za kandidate koji imaju položen specijalistički ispit
- g) Uvjerenje o završenoj posebnoj edukaciji iz porodične medicine (za radna mjesta pod rednim brojem 1. i 3) - za kandidate koji imaju završenu edukaciju
- h) Uvjerenje o završenoj edukaciji iz patronaže (za radno mjesto pod rednim brojem 3.) - za kandidate koji imaju završenu edukaciju
- i) Važeći certifikat o završenom ALS ili ILS kursu (certifikat mora biti validan po pitanju roka važenja) - za radno mjesto pod rednim brojem 4.
- j) Ovjerenjena fotokopija vozačke dozvole B kategorije (za radno mjesto pod rednim brojem 4.)
- k) Važeće Odobrenje za obavljanje samostalnog rada / licenca (za radna mjesta pod rednim brojem 1., 2., 3., 4. i 5.)
- l) Ljekarsko uvjerenje – naknadno dostavlja izabrani kandidat;

Kandidati koji ostvaruju pravo na prioritet pri zapošljavanju u skladu sa Zakonom o dopunskim pravima branilaca i članova njihovih porodica ("Službene novine Tuzlanskog kantona", broj: 10/20, 14/22, 9/23, 5/24 i 13/24), isti mogu ostvariti samo ako uz prijavu dostave i dokaz da se nalaze na evidenciji Službe za zapošljavanje kao nezaposlene osobe (ne starije od mjesec dana od dana raspisivanja Javnog oglasa), potvrdu nadležnog organa o priznatom statusu branioca, odnosno člana porodice branioca, te izjavu da im radni odnos, zasnovan po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju.

Kandidati koji po nekom drugom posebnom zakonu imaju prioritet u zapošljavanju, uz Prijavni obrazac trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

VI

Podnošenje prijava

Uredno popunjen i svojeručno potpisan Prijavni obrazac, sa svim traženim dokumentima, podnosi se u roku od 8 dana od dana objavljivanja ovog Oglasa, odnosno od dana njegove posljednje objave.

Javni oglas će biti objavljen u Dnevnom listu „Oslobođenje“ te na web stranicama JU Službe za zapošljavanje Tuzlanskog kantona i Javne zdravstvene ustanove Dom zdravlja Gračanica.

Napomena:

Samo izabrani kandidati će biti u obavezi da u određenom roku dostave ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnog mjesta za koje se raspisuje javni oglas.

Neblagovremene, nepotpune i neuredne, zatim prijave kandidata koji ne ispunjavaju uslove Javnog oglasa neće biti razmatrane.

Komisija će u pisanoj formi zaključkom obavijestiti kandidate koji nisu dostavili blagovremenu, potpunu ili urednu dokumentaciju, i takvi kandidati ne mogu učestvovati u daljoj proceduri izbora kandidata.

Podnosilac neblagovremene, nepotpune ili neuredne prijave nije učesnik Javnog oglasa i nema procesnu legitimaciju za pobijanje odluke o izboru kandidata ili čitavog postupka za zasnivanje radnog odnosa, pred Upravnim odborom Ustanove, odnosno pred nadležnim sudom.

*Prijava na Oglas se dostavlja u zatvorenoj koverti lično ili putem pošte,
na adresu:*

*Javna zdravstvena ustanova Dom zdravlja Gračanica, ulica Mehmeda Ahmedbegovića br. 50,
Gračanica sa obaveznom naznakom:*

„Prijava na Javni oglas o prijemu radnika u radni odnos na radno mjesto _____
(upisati radno mjesto za koje se podnosi prijava)

„Ne otvarati – Otvara Komisija“

Svi dokumenti uz Prijavni obrazac na Oglas, prilažu se u originalu ili ovjerenoj fotokopiji ne starijoj od 6 mjeseci.


Proces izbora kandidata za prijem u radni odnos na navedena radna mjesta provest će se održavanjem pismenog i/ili usmenog ispita sa svakim od prijavljenih kandidata čije prijave budu blagovremene, potpune i uredne.

Komisija za izbor kandidata za prijem u radni odnos će pisanim putem obavijestiti kandidate, čije su prijave uredne, potpune i blagovremene, o mjestu i vremenu održavanja pismenog i/ili usmenog ispita.

Tematske oblasti iz kojih će biti utvrđena pitanja za pismeni će biti objavljena na internet stranici Ustanove najmanje sedam dana prije održavanja pismenog ispita.

Izabrani kandidat će biti u obavezi da, najkasnije u roku od osam dana od dana konačnosti odluke o prijemu u radni odnos, dostavi ljekarsko uvjerenje kao dokaz da njegovo zdravstveno stanje odgovara uslovima radnog mjesta za koje je izabran.

JZU Dom zdravlja Gračanica nema obavezu vraćanja dokumentacije kandidatima.

 Direktor
Hastke Jamin
DOM Dr. Jasmin Hadžić,
ZDRAVLJA spec. porodične medicine
Gračanica